

聖濟總錄纂要

九

國立中央圖書館台灣分館



3 1111 008723692

414.6
18250
26
v.9

國立臺灣圖書館典藏
由國家圖書館數位化

414.6
18250
269
v. 1

中國醫學大成第四集

方劑類

聖濟總錄纂

要九



上海大東書局印行

聖濟總錄纂要

清 新安 程 林雲來纂輯

鄞縣 曹炳章赤電校點

卷二十一

癰疽門

癰疽統論

論曰。周官瘍醫。與疾醫分職而異。治凡有瘍者。受其藥焉。蓋非專門之學。不足以深究博識故也。人之氣血。與天地同流。經絡常數。與晝夜同度。一或壅而不通。沮而不利。則血老不作汗。肉陳不脫垢。蒸氣不達。癰疽內熱。甚於焚溺。治之不可緩。是以喜怒憂樂之不時。飲食居處之不節。芳草藥石之發動。內使陰陽不平而蘊結。外致榮衛凝澁而腐化。輕者起於六腑。浮達而為癰。外潰膚肉。經所謂榮衛稽

留於經脈之中。血澁不行。衛氣壅遏不通。熱甚則肉腐爲膿。然不陷肌膚。骨髓不爲焦枯。五臟不爲傷損。其皮薄以澤是也。重者發於五臟。蘊結而爲疽。內消骨髓。經所謂熱毒熾盛。下陷肌膚。骨髓焦枯。五臟涸竭。當其病下。良肉無餘。其皮天以堅上。如牛領之皮是也。夫瘡腫之患。莫大於癰疽。明乎二者。則凡腫毒丹癰。可以類推矣。故證有淺深。治有輕重。若瘡發之初。湯液疏其內。鍼石疏其外。內外之治不同也。五臟內虛則平補。內實則駛利。補瀉之法不同也。瘡發於虛處則難差。發於實處則易愈。則其生有虛實之辨。富貴體逸危殆者多。貧賤形苦困篤者少。則其形有苦樂之辨。淺瘡欲在厚處攻之易平。深瘡欲在薄處達之易及。則肌肉皮膚有厚薄之辨。脈見洪滑麓散。其病難治。脈見微澁遲緩。其病易治。則脈之與病有應否之辨。凡癰之類。其氣浮達。宜灸熨而不宜鍼烙。凡疽之類。其氣深沉。宜針烙而不宜灸熨。此灸熨針烙之異也。淋射燻貼。以清腫毒。膏潤溫養。以生肌肉。此先後終始之序也。昔人論癰疽病者。惑於人神所在。不可妄行鍼。鍼刺見血。不知神之與形。固爲休戚。體既不平。神焉能定。內經癰疽不得頃時回。恐內爛筋骨。第通臟腑。豈有人神之忌耶。

癰疽所生忌穴

背面九處不可患瘡

第一、入髮際為玉枕。亦為舌本。第二、項頸節。第三、為崇骨。第四、大椎為

五臟。第五、脊骨兩邊肺俞穴。第六、夾脊骨兩邊脾俞穴及肝俞穴。第七、

脊骨兩邊腎俞二穴。第八、後心鳩尾穴。第九、鳩尾骨穴。

正面五處不可患瘡

第一、喉骨為重鴈。第二、當胸前為神舍。第三、為心鳩尾。第四、當乳穴。

第五、臍下二寸為腸屈之間。

側面三處不可患瘡

耳下近耳後。牙車尖。夾陷中為喉脈一穴。當膊下。下穴為肩骨。承山上三

寸一穴為臑腸。

辨癰疽證候美惡法

夫癰疽外發。其理易明。至於內癰。內疽。隱而不見。目既不接。治之至難。然五臟六腑。有俞募雖結。困於中。而自形於外。外察其部。內審其源。定藥按方。若拔芒刺然。

則癰疽之發有五善七惡之證。不可不察也。煩躁時嗽。腹痛渴甚。或瀉利無度。或小便如淋。一惡也。膿血大洩。腫焮尤盛。膿色敗臭。痛不可近。二惡也。喘麤短氣。恍惚嗜睡。三惡也。目視不正。黑睛緊小。白睛青赤。瞳子上視者。四惡也。肩項不便。四肢沉重。五惡也。不能下食。服藥而嘔。食不知味。六惡也。聲嘶色脫。脣鼻青赤。面目四肢浮腫。七惡也。動息自寧。食飲知味。一善也。便利調勻。二善也。膿潰腫消。色鮮不臭。三善也。神彩精明。語聲清亮。四善也。體氣和平。五善也。

癰疽發背。治有專門。寒熱虛實。善惡淺深。陰陽臟腑不深諳者。恐多錯誤。東垣曰。少有差謬。變症甚於傷寒。未可按方療治。故一方不錄。其餘一切癰癤瘡毒。則精選不遺也。
辛酉麥秋程林識於淮陰師古堂

附骨癰

論曰。凡身體盛熱。不可當風冷之。氣入於肌肉。則熱搏伏不得出。故附着於骨而成癰也。其狀無頭。但腫而闊。皮膚薄澤者。以毒氣伏留於內故也。法宜外散。其寒

內達。蘊結之熱。

治附骨癰方

新鼠皮一張

一味。看瘡大小裁貼。日二次。若出膿已潰者。用豬脊脂貼。吮膿出盡。即差。

治附骨癰方

蓖麻子去殼不拘多少

一味。研令細。取塗癰上。日三兩度。即差。

治附骨癰方

生地黄取汁一盞

一味。用銀石器中煎如膏。候冷。塗傅腫上。日三五度。即差。

乳癰

論曰。足陽明之脈。自缺盆下於乳。又衝脈者。起於氣衝。並足陽明之經。夾臍上行。至胸中而散。蓋婦人以衝任為本。若失於將理。衝任不和。陽明經熱。或為風邪所

客。則氣壅不散。結聚乳間。或硬或腫。疼痛有核。皮膚焮腫。寒熱往來。謂之乳癰。然風多則腫硬。色白。熱多則腫焮。色赤。若不即治。血不流通。氣為留滯。與乳內津液相搏。腐化為膿。然此疾產後多有者。以衝任之經脈。上為乳汁。下為月水。新產之人。乳脈正行。若不自乳兒。乳汁蓄結。氣血蘊積。即為乳癰。又有因乳子汗出露風。邪氣外客入於乳。因氣留不行。傳而為熱。則乳脈壅滯。氣不疏通。蓄結成膿。疼痛不可忍。世謂吹乳。速宜下其乳汁。導其壅塞。散其風熱。則病可愈。

黃芩

甘草炙令

桑上寄生炙

麥門冬

赤芍藥

防風

黃耆炒各兩

木通半兩

右八味。搗篩。每服三錢。入棗三枚同煎。再入乳糖一分。更煎令消。溫服。日三。早晨。日午夜臥各一服。

鯪魚甲散方 治乳癰疼痛結硬不可忍。

鯪魚甲燒灰一兩

括薑燒灰一枚

二味。研和為散。每服二錢。空心用葱調酒下。

牡蠣散方 治乳癰初發。腫痛結硬欲成膿。令一服差。

牡蠣取腦頭厚處生用

一味。細研為散。每服三錢。研澱花冷酒調下。如癰成潰者。以藥末傅之。仍更服藥。一日三服。

樺皮散方 治乳癰初發。腫痛結硬欲成膿。一服差。

以北來真樺皮燒灰。酒服方寸匕。就病乳處臥。及覺已差。

甘草飲方 治乳腫痛慮作癰毒。

甘草黃半生用

括蕁皮一枚去瓢

二味。先以酒二盞煎甘草至一盞。入括蕁瓢同絞和勻。濾去滓。溫頓服。未差更作服之。

丹參膏方 治乳癰疼痛。

丹參

白芷

芍藥二兩各炒

三味。以苦酒浸經一宿。又取猪脂半斤。微火上同煎之。令白芷黃。其膏成。去滓。以膏塗癰腫處差。

乳香塗方 治乳癰。

乳香爲一兩

丹砂半兩研末

葱白三兩切

三味先研葱令細入二物末再研令勻塗傅乳上乾即易之。

治乳癰結硬疼痛方

和泥芥菜半斤

一味剉碎以水四升煮取二升傾於瓷瓶內熏乳腫處日三五度即差。

治乳癰結硬疼痛方

和泥葱半斤

一味細剉以水四升煮十多沸於瓷瓶子內盛熏乳腫處冷即再煖以差爲度。

連翹湯方 治吹乳乳癰。

連翹

瞿麥穗各一兩

升麻

生乾地黄

芍藥各三分

甘草炙一分

射干半兩

玄參三分

右八味細剉如麻豆大每五錢水煎溫服食後。

腸癰

論曰。腸癰為病。其身甲錯。皮膚急。按之濡如腫狀。腹無積聚。身無熱。或惡寒自汗。其脈遲緊者。膿未成。可下之。當有血脈。洪數者。膿已成。不可下也。

牡丹皮湯 治腸癰。

牡丹皮 一兩
芍藥
生乾地黄
丹參 各二兩

桔梗 炒
麥門冬 去心
薏仁 各一兩
赤茯苓

甘草 炙
敗醬 各一兩

右十味。搗篩為粗末。每服用藥五錢。入生薑五片。同煎。空心、日晚溫服。

附子湯方 治腸癰。

附子 去皮
敗醬 各三兩
薏苡仁 一兩

右三味。㕮咀如麻豆大。每服三錢。水煎。空心、日晚溫服。下膿血即差。

大黃牡丹湯方 治腸癰。

大黃 炒
牡丹皮 各二兩
桃仁 湯浸去皮尖

芒硝 研
冬瓜仁 三合

右五味。搗篩粗末。每服用五錢。白水煎。空心溫服。以利下膿血為度。

薏苡仁湯方 治腸癰。

薏苡仁 一兩

牡丹皮

桃

仁湯浸去皮尖
雙仁各一兩

瓜子仁 半兩

右四味搗篩。每服五錢。水煎。空心。日。晚溫服。

胃脘癰

論曰。內經謂人病胃脘癰者。當候胃脈。其脈沉細者氣逆。氣逆者。人迎甚盛。甚盛則熱。人迎者。胃脈也。逆而盛。則聚於胃口而不行。故胃脘為癰也。夫陰陽升降。則榮衛流通。氣逆而隔。則留結為癰。胃脘癰者。由寒氣隔陽。熱聚胃口。寒熱不調。故血肉腐壞。以氣逆於胃。故胃脈沉細。以陽氣不得下通。故人迎甚盛。令人寒熱如瘧。身皮甲錯。或咳或嘔。或吐膿血。觀伏梁之病。亦有俠胃脘內癰者。以其裹大膿血。居腸胃之外故也。

射干湯方 治榮衛不流。熱聚胃口。血肉腐壞。胃脘成癰。

射干 去毛

梔子仁

赤茯苓

升麻 各一

赤芍藥

白朮各一兩半

右六味。㕮咀如麻豆大。每五錢水煎。入生地黃汁一合。再煎三沸。溫服。不拘時候。日二服。

麥門冬湯方 治熱氣留聚胃脘。內結成癰。

麥門冬

犀角

姜蕤

薺芩

赤芍藥

石膏各一兩半

甘草炙

紫雪各一兩

右八味。搗篩。每服五錢。水煎。入竹瀝一合。再煎二三沸。溫服。

芍藥湯方 治胃脘蓄熱。結聚成癰。

赤芍藥

犀角

木通

石膏

升麻各二兩

甘草生

朴硝

玄參

麥門冬各一兩 去心

右九味。搗篩。每服五錢。水煎。溫服。不計時候。

附骨疽

論曰。附骨疽者。由風入骨解。與熱相搏。復冷濕所折。風熱伏結。不得發散。蘊積成毒。故附骨而為疽。喜發於大節解間。按之應骨。皮肉微急。隱在肌而不外見是也。治之宜急。稍緩則膿不得潰。而肢體變青黯者。不可治也。

漏蘆湯方 治附骨疽。

漏蘆去蘆頭

升麻

連翹

麻

黃去根節 各一兩

防己三分

大黃炒兩

木香

白斂

沉香各三分

右九味。搗篩。每服五錢。入竹葉七片同煎。更入芒硝一錢。攪勻。空心溫服。取利。三兩行為度。未利再服。

敗醬湯方 治附骨疽。

敗醬二兩

大黃炒一兩

桃仁二兩

三味。搗篩。每服五錢。先取皂莢刺一兩。剉碎。以水二盞。煎至一盞半。漉出下藥。及朴硝一錢。同煎。空心溫服。

內消小豆散方 治附骨疽。

赤小豆 一合
糯 米五炒黑
二味為散。水調如糊塗攤。放帛上貼。乾即易之。

瘡腫門

諸瘡

論曰。諸瘡皆緣風濕熱毒之氣。種類甚多。載之方書備矣。然有俗名瘡。本論未見採錄。考之皆不離於邪氣逆肉理。害肌膚者。今隨症以治法附之。雖田野下俚。取而用之。判然可曉。不必泥於誦襲也。

露蜂房散 治頭面上無名瘡。黃水不止。

露蜂房 蛇 蛻

各燒灰等分。入膩粉少許。拌勻。麻油和傅。

黃香餅 治鬢毛瘡在頭上。初生如葡萄。痛不止。

川鬱金 五錢 川 柏 一兩 乳 香各一分

共末。桃花水和。作餅貼之。

龍骨散 治髮際瘡初生如粟米大。或癢或痛。

白龍骨

胡粉

烏賊魚骨去甲五錢

鉛

丹炒紫五錢

共研。用鹽湯洗過貼之。日二三次。

海帶散 治緣脣上瘡。

海帶

焙乾為末。臨臥貼上。二三宿即差。

白龍散 治眼睛漏瘡。目大眦出膿汁。有孔子。

龍腦

馬牙硝五錢

菘豆粉一錢

研極細。用燈心蘸藥點之。日四五。

井中苔散 治徹耳瘡。

井中苔

土馬駿等分

焙乾共末。麻油和傅患上。日二。

馬齒莧塗 治唇緊面腫。

馬齒莧

去根洗淨。搗取汁塗之。冬月用末水和塗。日二。

麝香散 治鼻疔瘡。侵蝕鼻柱。

麝香 研 草烏燒灰 三錢

共研勻乾摻。日二三。

百合散 治頤頰瘡。一名獨骨瘡。

百合 川柏 白芨 一兩 蓖麻子粒 五十

共研。用朴硝水和。作餅貼瘡上。日三五次。

紅粉散 治粉鈴瘡。繞頸項。赤爛多汁。

蜜陀僧煨 白龍骨煨 五錢 胡粉 二錢 鉛丹炒 紫

共研。油和塗。日三。

芙蓉傅 治腮腫痛。或破或瘡。

芙蓉葉

取生者。爛搗如泥。傅之。帛繫。一日換。

敗蹄散 治天柱瘡。生脊大椎上。如錢大。赤色。出黃汁不止。

驢蹄刀削二十片燒炒 胡粉熬一分 麝香少許
共研未破。用米醋麵糊和成膏塗上。已破乾摻。日二。

諸惡瘡

論曰。內經云。諸瘡瘍皆屬心。諸濕腫皆屬脾。蓋心主血。脾主肉也。由體虛受風濕邪毒。與氣血相搏。故發瘡也。甚者焮腫滿痛。潰而多汁。或形體為之壯熱。稍緩不治。則毒氣內攻。難以療也。

麝香散 治一切惡瘡。久不差。

麝香當門子二枚 丁香

木香

紫檀香一分

乳香藥錢五

共末。用雞子清和勻。入殼內。飯上蒸熟。晒乾研。分六服。茶飲下。日二。

膩粉乳香散 治一切惡瘡。久不差者。

膩粉二錢 乳香一錢

葱白煨熟

共搗爛。攤帛上貼之。三日一易差。

二黃散 治一切不測惡瘡。年深不愈。

大黃

川連

山梔

白芨

青黛

連翹五錢

共末。水和塗。

白香散 治一切惡瘡久不差。

楓香脂

膩粉

防風一分

共研末。用甘草水洗過。傅上痛立止。

蛇牀子散 治一切惡瘡久不差。

蛇牀子

膩粉

硫黃一分

共末。用麻油和傅。日二。

反花瘡

論曰。瘡生惡肉。久則反出瘡外。故名曰反花瘡。其初如飯粟。破之血出。餘毒尙熾。惡肉隨生。根深而膿潰。皆風熱毒氣所作。

甘草塗 治反花瘡。

甘草半生半炒

白枯礬

人中白煨

蜜陀僧煨五錢

共研為細末。用童便慢熬成膏。煎葱椒水洗過。傅上。日三五次差。

胭脂塗 同上。

胭脂一兩

胡粉兩半

共研勻。以鹽湯洗過乾塗。日三次差。

藜蘆傅 同上。

藜蘆研為細末

雄猪脂一兩

化猪脂入末。和成膏。塗患上。日三五次。

柳槐煎 同上。

柳枝葉

槐枝葉

細剉各二升。用水五升。煎減半。去滓。煎如稠錫。塗患上。日三五。

浸淫瘡

論曰。心惡熱。若風熱蘊於心經。則神志躁鬱。氣血鼓作。發於肌膚而為浸淫瘡也。其狀初生甚微。痒痛汁出。漸以周體。若水之浸漬。淫泆不止。故名曰浸淫。其瘡自內而出。流散四肢者輕。以毒氣外出故也。從四肢反入於內。則重。以毒氣內入故也。

升麻湯 治心有風熱。淫瘡偏體。

升麻

大黃

片苓

白芍

枳實一兩

甘草

川歸五錢

水煎五錢。入燈心一把。空心溫服。日二。

鯽魚塗 治瘡癬浸淫。

生鯽魚三四寸長者一尾

香豉一合

搗極爛。塗瘡上。日二易。

雄雞冠血塗 忽得浸淫瘡。不早治。遶身周匝。則能殺人。

雄雞冠血性烈雄大者

用針活取血塗。傅瘡。日三五次。即差。

燕窠傅 治浸淫瘡久不差。

胡燕窠

取向東方者為細末。用葱椒水洗過。傅瘡上。日二三效。

苦楝根傅 同上。

苦楝根及皮

燒灰研細。用猪脂和傅瘡上。日二三。

下注瘡

論曰。足三陰之脈。脾腎肝之經也。并起於足大小指之內。循足跗內踝。前上膝脛中。若風濕毒氣乘之。則榮衛枯澁。稽留不行。氣脈下注於脚膝脛間。故令皮膚腫軟。結核成瘡。膿水不絕。綿歷年歲。愈而復發。以毒氣自上而下。如水之注。故名曰下注瘡。

枳殼丸 治毒氣下注脚膝。膝脛皆瘡。

枳殼去白炒

懷生地

五加皮

防風二兩

羌 活一兩 黃耆三兩

共末。入蜜杵丸。如梧桐子大。空心酒下二三十丸。日二。

蚯蚓泥散 治下注瘡久不差。

蚯蚓泥韭菜地上者 燒赤研一兩

共末。用葱湯洗過乾傅。

白黃散 同上。

白枯礬一分 川連五錢

共研末。以雞子白和塗患上。日二。

鯽魚散 同上。

鯽魚去鱗腸一尾 三四寸大

胡粉 蜜陀僧煨赤研

共末。入魚肚內纏扎。用泥固濟。燒赤出火毒。研末。入猪膽汁和傅。日二。此方

亦治惡毒瘡。

蒜灰散 治一切惡毒風濕瘡。下注血氣冷。新肉不生者。

蒜大者百頭

去衣根苗。切片。暴乾。入小鐵鍋內。淨盆蓋之。用鹽泥封固。不令透氣。以火煉成灰。出火毒。研細。乾傅瘡上。日二。此治冷惡瘡最妙。若熱毒惡瘡不可傅。傅之肉反爛開故也。

冷瘡

論曰。形不足者。溫之以氣。氣能養形故也。周官瘍醫。掌腫瘍、潰瘍、金瘍、折瘍。有五氣養之法。蓋以氣不足則血不行。血不行則經久不差。所謂冷瘡是也。蓋諸瘡既潰。風冷之氣。客於榮衛。傷於肌肉。故令瘡冷而不痛痒。俗謂之冷癩。治宜溫肌養心。癩瘡除膿則愈。

二黃散 治冷瘡不愈。

雄黃

雌黃

定粉

膩粉

蜜陀僧一兩

乳香炙一兩

共研末。入生蜜和傅。日二。

葱白湯蒸法。治一切瘡風冷腫痛。皆因瘡腫。坐於水中。及風所致。若腫脹入腹。則能殺人。

葱白

薤白半斤

川椒

香豉二合

川芎一兩

防風二兩

共粗搗。用長瓷瓶內藥。入水三升。以故帛紙數層封口緊縛。重湯煮熟。取孔通氣。以瘡當氣口上射之。令瘡出黃水盡即止。日二次。

月蝕瘡

論曰。月蝕瘡小兒多有之。蓋由嗜肥甘榮衛不清。風溼毒熱之氣。蘊積腑臟。其瘡多生於兩耳。及鼻面間并下部諸孔竅側。侵蝕之甚則潰爛。黃赤汁流達於筋骨。月初則瘡盛。月晦則瘡衰。以其隨月盈虛。故名之月蝕瘡。或謂小兒以手指月生。未必盡然。

水銀膏 治月蝕瘡。多在耳上及竅傍。隨月盈虛者。

水銀一分

胡粉與銀研不見星

松脂

川連末五錢

猪 脂四兩

熬脂化香去滓。再熬入銀粉攪勻。以鹽湯洗過。傅瘡上。日二三。

酥粉塗 治月蝕瘡。

蟾 酥五錢 胡 粉一兩

共研。塗瘡上。日二三次。

又方 治卒得月蝕瘡。

地龍尿 猪 脂

和塗患上。日三次差。

凍爛腫瘡

論曰。經絡氣血。得熱則淖澤。得寒則凝澹。冬月嚴寒。氣血凝聚不流。則皮肉不溫。瘡音凍。焮赤。痛腫而成瘡。輕則潰爛。重則損壞肢節也。

白斂散 治大人小兒凍手皴裂成瘡。

白斂末 三分 白芨末 五錢

油 麻二合生搗

萊菔子二合

同爛研。酒和勻。日二。

猪懸蹄膏 治手足凍瘡。血出痛苦者。

猪後懸蹄

夜半時燒灰存性研末。以猪脂和。膏成傅上。日二。

雞腦膏 治凍面耳并手足凍瘡。年年發者。先癢後痛。腫破黃水及血出不止。

雞

腦雄者一枚搗

黃

蠟同上

麻

油減半

慢火熬去滓。收成膏塗傅。日二三。

羊肉湯洗 治凍瘡腫癢。

羊肉

葱 白半斤

用水煎。取汁頻洗。日二三。差。

川椒湯 治寒凍面目。手足肉裂。

川椒炒

白芷

防風

食鹽一分

川芎三分

水煎頻洗。湯冷煖之。

尸脚方 治人足在冬月常裂。名曰尸脚。

雞屎炒一

用水三升。煮五沸。去滓。漬洗足裂處。冷即易之。以差為度。

牛膠散 治寒凍足跟破裂。出血疼痛。

牛皮膠

燒灰研末。津唾和塗。

癩瘡今之膿窠瘡

論曰。癩瘡者。疥瘡之類。由風熱溼毒。客搏於皮膚之間。變化生蟲。其狀生於皮肉之處。手足尤甚。赤根白頭。相對並生。狀如小豆。或若茱萸子。浸淫癢痛。抓之汁出。折裂成瘡。此蓋脾肺壅滯。風濕乘之。與熱相搏。結聚而成。治宜疏滌於內。傅藥於外。并淋洗之類。次第以治。

藜蘆膏 治癩瘡經久蟲出。

藜蘆

枯礬

松脂

雄黃二兩

苦參兩半 猪脂半斤

共研末。用脂熬末攪勻。塗瘡上。日二。

胡粉膏 治癩瘡經久不差。

胡粉三兩 水銀二兩 皂莢十挺水浸揉取汁一斤

慢火熬汁五合。入銀粉攪勻。塗瘡上。日二。

雄黃膏 同上。

明雄黃 川連一兩 片芩 胡松脂二兩

亂髮灰一分 雄猪脂六兩

用脂熬令髮盡。去渣。入末攪勻。塗患上。

蝦蟆灰塗 治濕癩瘡。

乾蝦蟆灰一隻燒髮灰各等分

猪脂和塗。日二。

漆瘡

論曰。漆雖有毒。性有所畏。毒即中之。亦有氣適。然相近者。凡中毒輕。癢始於面。而胸臂脞膺應之。頭面腫起。赤延於目。搔之隨手生瘡。癩已而細瘡如粟。重則徧身作瘡。小如麻豆大。若桃李紅赤。腫焮異常痛楚。旋差旋發。如火疔之狀是也。

鐵漿飲 治漆瘡。

鐵漿

用密絹濾過。隨量飲之。即差。

又方 同上。

柳葉生者三斤

用水一斗。煮汁頻洗差。

芒硝湯淋洗 同上。

芒硝五兩研

用滾湯入硝浸洗。日三次差。

又方 同上。

猪脂

熬化頻塗瘡上。

蟹黃塗 治漆瘡焮腫痛楚。

生蟹黃

用之頻塗瘡上。乾即易之。

雞子黃塗 同上。

雞子

取黃頻塗。乾易差。

四和膏 治漆瘡偏身。焮赤腫痛。

麻油

松脂二兩

桂心末

黃蠟一兩

用油化脂蠟。入桂末和塗。

川椒湯 治漆瘡。

川椒

水煎湯。頻洗之。差。

湯火瘡

論曰。水火之氣。當因其勢而利導之。夫湯火所傷。毒熱方熾。通導而洩其氣可也。苟救目前痛楚。遽以冷物淋搨。則熱毒寒氣內搏。致有爛骨傷筋之患。非熱氣本然也。湯火之傷。本非氣血所生病。故治不及於湯液。特在乎塗傅膏汁。專治其外而已。

清涼膏 治湯火傷。

生山藥

洗淨去皮。爛研如膏。傅瘡上。痛立刻即止。且無瘢痕。

雞黃塗 同上。

雞子黃

將雞子煮熟。用黃。慢炒取油。入膩粉攪勻。傅上。無瘢痕。

戊己散 治湯火瘡。大熱腫痛。

乾牛糞

燒灰存性爲末。用生麻油和塗。日二次差。

又方 同上。

好米醋

用醋傾淨土上。取醋泥傅之。日二次。立刻止痛。無癩痕。

又方 同上。

側柏葉

將葉燒灰存性。羅過。用生蜜和塗。日二三差。

聖濟總錄纂要

卷二十

瘡腫門

湯火瘡

聖濟總錄纂要

清 新安 程 林雲來纂輯

鄞縣 曹炳章赤電校點

卷二十一

瘡腫門

丁腫

論曰。丁腫者。由風邪毒氣入於肌肉所生也。凡有十種。一者瘡頭烏而強凹。二者瘡頭白而腫實。三者瘡如堊塗色。四者瘡似葩紅色。五者瘡頭內有黑。六者瘡頭赤紅而浮虛。七者瘡頭葩而黃。八者瘡頭如金箔色。九者瘡頭如菜萹。十者瘡頭如石榴子。亦有初如風疹。搔破青黃汁出。裏有赤黑脈而小腫。亦有全不令人知。忽衣觸手摸着。則痛苦故。取便不知處。亦有肉突起如魚眼之狀。赤黑礮痛徹骨。

久結皆變至爛瘡。瘡下深孔。如火針穿之狀。初作時。突起如丁。蓋故名丁瘡。令人惡寒。四肢強痛。三日瘡變焦黑。腫大光起。根硬不可近。犯之則痛徹骨。其發於手足頭面骨節間。為氣血所會。尤宜速治。不然毒氣入腹。煩悶恍惚如醉人。治無所施矣。

丁腫方

河東柳宗元偶病丁瘡。凡四十日。他藥治之莫效。長樂賈宣伯教用蜣螂心貼之一夕而穴。百苦皆已。次年春。因食鵝羊肉。丁又大作。再用之亦如神效。按蜣螂心在腹下。度取之。其肉稍白者是也。以此貼瘡。半日許。可穴再易之。血盡根出而愈矣。

巴豆塗 治丁瘡。乃日本國傳來者。

巴豆十粒 半 夏一枚

附子半枚

蜣螂一枚

各為末。以人糞相和。看大小瘡作紙圈子圍瘡口。以藥傅上。用絹貼之。一日三易。

地骨皮散 同上。

地骨皮五錢

小麥

大麻子各十粒

緋帛燒灰

亂髮卵大

半夏七枚

曲頭棘刺二十枚
鐵倒下多年者

用骨皮半夏為末。與各灰同研勻。酒下二錢。日二。

乾薑胡椒傳 治一切丁腫惡毒。

乾薑

胡椒炒

龍骨

皂

莢去皮

斑蝥去翅足

共末。用酒和如膏貼上。日二。

諸疥

論曰。字書以疥有介守之義。言雖微小。介然守形體而難治。是以疥有五名。皆因風熱邪氣客於皮膚之間。久則化為蟲。時作痛癢。故作為瘡腫。焮赤痛癢者。謂之大疥。皮內引起結根。搔之不痛。謂之馬疥。瘙癢皮起。謂之乾疥。三者為重。以風溼熱氣深在肌肉故也。若水疥。痞癩。如癩漿。溼疥。瘡小而汁出。特風熱溼於皮膚之間。故淺而輕。俱風熱之客。故皆有蟲。或謂蟻蟲內出。理或然也。治宜疏風滌熱。當

以熏浴傅塗。湯液並施則善。

苦參散 治徧身瘡疥。風毒瘙癢。

苦參 白花蛇酒浸去骨炙

川連

川歸三兩

人參

玄參

丹參

白芍

防風五錢

白蒺藜炒去刺

共末。酒下二錢。

快肌丸 治徧身瘡疥瘙癢。

威靈僊三兩 雄猪膽三枚

用膽汁和末。丸梧子大。荆芥湯下二十九。

防風丸 治一切風疥瘡癬。皮膚瘙癢癰疹。

防風 蟬脫 猪牙皂炙去皮 天麻三兩

共末。用精羊肉煮極爛。以酒熬成膏。丸梧子大。用荆芥酒下二十九。日二。

苦參丸 治一切疥瘡。

苦參

玄參

山梔

獨活二兩

甘菊

防風

大黃炒香

片苓

枳殼一兩

川連兩半

共末。蜜丸。梧子大。酒下二十九。日二。

五參散 治諸疥風虛惡瘡。

人參

玄參

丹參

沙參

苦參

秦艽

白蒺藜炒

山藥

子芩

防風

麻黃去根

獨活

茯苓

細辛五錢

山梔

枳殼三分

烏蛇肉酒炙一兩

共末。水下三錢。日二。

雞子油塗 治一切惡疥瘡。

雞子黃七枚 煑熟用 慢炒取油

膩粉

髮灰

枯礬一分 石硫黃五錢

共研入油。和勻塗上。日三五次塗。

諸癬

論曰。癬之字從鮮。言始發於微。鮮縱而弗治。則浸淫滋蔓。其病得之風溼客於腠理。搏於肌肉。否澁久。則因風溼而變化生蟲。故風多於溼則為乾癬。但有周郭。皮枯瘙癢。搔之皮起白屑者是也。溼多於風則為溼癬。周郭中如蟲行。浸淫赤溼。搔癢汁出是也。風搏於氣血則為風癬。癢痺不痛癢是也。如錢形則為圓癬。如雀目則為雀目癬。亦皆赤痛而瘙癢。又或牛犬所飲之水。刀刃磨淬之漿。取以盥濯。毒氣傳人。亦能生癬。故得於牛毒者。狀似牛皮。於諸癬中最為痛厚。乃邪毒之甚者。俗呼為牛皮癬。狗癬白點而連綴。刀癬縱斜無定形。凡此八者。皆風溼毒氣搏於肌中。故痛癢不已。久而不差。又謂之大癬。

苦參

治一切風癬。皮膚瘙癢。

烏蛇肉炙四兩

石菖蒲二兩

共末入蜜丸。梧子大。酒下二三十丸。

丁香散傳

糟米塗 治跌打損傷疼痛。

糯米一升 酒 麪三丸

將糯米煮熟如飯。入酒麪和勻。乘熱塗上。用帛封裹。三日一換。酒香即愈。

龜板膏 治打撲損傷疼痛。

敗龜板一枚 燒灰

虎骨 燒灰

白芥子

生大黃

川歸五錢

滴乳香炙

沒藥炙一

右為末研勻。用小黃米粥攤帛上。摻末一匙裹損上。以竹片夾定。繩縛七日。

雜療門

中藥毒

論曰。炎帝嘗百草而著本經。分上中下三品。聖功極矣。漢唐以來。漸增致千百種之繁。蓋無毒之中。而有有毒者。後代庸民。去聖已遠。不審良惡。偶誤餌之。經云。有病病當。無病胃傷。不急救之。漸致危斃。古方用甘草、菴豆能解諸毒。亦用諸藥而各相制伏者。

實此病類於指疽。然無蘊毒。故色不黯黑。即病雖久亦不殺人也。

漏蘆湯 治代指。筋骨臟腑中熱。焮赤腫痛。
漏蘆 升麻 子芩 大黃兩炒一

玄參三分

水煎五錢。入淡竹葉二七片。煎減半。去滓。入芒硝一錢。再二三沸。溫服。日二。已

利去芒硝。

地龍散 治代指。

地龍去泥

瓦上炙為末。用猪脂和塗患上。日二。

升麻湯浸 治代指。雖內無蘊毒。然筋骨中熱氣壅盛。

升麻 生甘草一兩

用水煎去滓。入芒硝末一兩。攪勻。浸指數十次。

蛇頭疔瘡痛不可忍。臭不可聞。

蜈蚣一條焙乾為末。猪膽汁調。又用黑豆生研末。入繭內籠之。

醬蜜塗 治代指不結靨。

醬汁 白蜜

二味和煎令沸。稍熱塗上。日三五次。

熱湯蘸 治代指為五臟氣流注十二經。毒熱衝於手指。

熱湯

急蘸五七次。冷水浸之。又復如此。三度便塗羊膽汁。差未成膿者。用此方甚效。或以猪膽盛代指。用線紮之亦妙。

諸丹毒

論曰。熱毒之氣。暴發於皮膚間。不得外洩。則蓄熱為丹毒。以其色如塗丹之赤。又復陽氣伏於皮膚中。故謂之丹。因熱氣慄悍。其發無常處。大則如掌。甚則周流四肢。若不急治。或壞爛出膿血。若發於骨節之間。則以藥斷截。毒氣入腹。則能殺人。治法用鎌割。明不可緩。故也。

漏蘆湯 治丹毒遊走。

漏蘆

升麻

白芍

子芩

白斂

白薇

麻黃去節根

甘草

大黃一兩

水煎五錢溫服。日二。

赤小豆塗 治丹毒如掌大。身赤腫痛癢。

赤小豆

為細末。以雞子白和如膏塗丹上。日二。

吳藍湯搨 治丹毒。

吳藍

升麻

石膏

片芩

白斂

犀角一兩

生地三分

山梔

大黃五錢

水煎一兩入竹瀝浸搨。

羚羊角塗 治赤黑丹毒。

羚羊角燒灰

研細。以雞子白和如膏。塗患上。日二次差。
鹿角散塗。治赤黑丹。

鹿角

燒灰存性。研末。入熟猪脂和塗。日二。

癩瘡

論曰。內經謂汗出見溼。乃生癩。蓋熱盛汗出。陽氣發泄而腠理疎。反以寒水洗浴。則熱氣內鬱於皮膚之間。輕則為癩。重則為瘡也。世俗通謂之癩子。其狀皮肉如毫針所刺。徧體細瘡如麩片。愈而復發是也。

葛粉傅。治癩子。

葛粉三兩

生甘草

風化石灰微炒

共研撲之。

滑石豆粉傅。治癩子。

滑石飛過

菘豆粉

棗木葉

共研末傅之。日三。

乾壁土傅。治暑月肌膚瘡爛。或因搔成瘡者。

陳乾壁土取向東方者

研細傅之。日三四次。隨手即愈。

肉刺

論曰。肉刺者。生於足指間。形如鞭胝。與肉相附。隱痛成刺。由靴履急穿相摩而成。名為肉刺。俗呼為雞眼睛是也。

膠脂膏貼。治肉刺。

柏木上白膠。明松脂一兩

黃蠟五錢

將膠脂熬化入蠟成膏貼之。

酥粉傅。治肉刺。

蟬酥自取。膩粉一錢

將酥浸溼入粉研勻。用鍼撥破塗上蜜裹。日二。

礪砂傳 同上。

礪砂

用醋化熬成霜。以少許和柏膠傅之。其根即出。

金瘡門

金瘡血不止

論曰。血行脈中。周行灌漑而無窮已。金刃所傷。深則其流湍激。若海洩河馳。禦之至難。要在杜其衝溢之勢。外觀其形。內診其脈之何如。若血出不斷。其脈大而止者為難治。若血出不止。前赤後黑。或黃或白。肌肉腐臭。寒冷鞞急者為難治。不可不察也。

麻黃散 治金瘡止血悶疼痛。

麻黃 兩半

白芷

附子

白芍

川歸

續斷

乾薑

炙甘草

子芩

川芎

桂心五錢

共末。酒下二錢。日二。

天南星散 治刀刃所傷。血出不止。

天南星三枚 鉛丹炒紫一錢

共末。研勻。乾貼患上。日二。

刀箭方 治血出不止。

石灰舊年者一兩 鉛丹炒三分

共末。傅上。日二。

龍骨

狗腦骨燒五錢

風化散 治金瘡止血定痛。

風化石灰一升 乾薑三分

生粟子

白藥五兩

午日共末。以備急用。

石榴花散 同上。

石榴花乾者五錢 石灰炒升

共末。用少許傅上。少刻斷血止痛。

蒲黃散 治金瘡血出。腹脹欲死。

蒲黃

生地黃兩半

川芎

白芷

川歸

黃耆

續斷一兩

甘草三分

共末。空心酒下三錢。令腹中死血化為水。日三。若口噤用物斡開灌之。加大黃兩半。

金刃傷中筋骨

論曰。金刃所中。至於筋骨。其所傷深矣。然接骨絕筋。亦可接續。要在乘血氣未寒。急施治法。若不乘熱。則風冷易入。瘡縱暫愈。後必不仁。亦致痛煩而終身不完。至於小碎之骨。即當出之。不爾則膿血不絕。肌肉亦不能收斂矣。

骨碎補丸 治一切金刃傷中筋骨風冷所入疼痛。

山藥

附子

虎骨炙

桂心

白檳榔

自然銅醋碎

熟地

敗龜板醋炙

白薇

山萸肉

澤蘭葉一兩

五味子

川歸

乾薑五錢

肉桂二枚

肉蓯蓉三分

共末入蜜杵丸。如梧子大。酒下二三十丸。日二。

金瘡中風水及瘰

論曰。金瘡中風水者。以封固不密所致也。夫中風之候。其倉卒無汁。中水之候。則出青黃汁。而又疼痛。發熱內腫硬。時為瘰狀。可急治之。凡瘰狀口急背直。搖頭馬鳴。腰為反折。須更十發。氣息如絕。汗出如雨。治不可緩。緩則不能救療。熟地丸。治遠年傷折。忽因風氣。於舊處痛不可忍。

懷熟地四兩

杏仁去尖炒

牛膝兩半

黃耆

苦參

兔絲子酒煮

肉蓯蓉

草薺兩一

升麻

桂心三分

青木香一分

訶勒皮五錢

共末入蜜丸。梧子大。酒下二三十丸。日二。

雞屎白豆酒。治金瘡中風反張者。

雞屎白一合

大豆二合

先以豆炒焦黑。入尿白同炒熟。又以瓶貯酒三升。乘熱豆傾酒中。蓋良久。去滓。服五合。少頃又服。取汗出。飲酒後以薑粥助之。

羌活飲 治金瘡并傷折骨。諸瘡腫慎不可當風。臥溼地取涼。若風溼所傷。則發瘰口噤殺人。若覺頸項強。身拘急便服。

羌 活 一 兩

竹 瀝 三 鍾

用水煎羌活減半。去滓。入瀝再沸。分三服。

川椒罨 治金瘡中風。

川 椒 三 兩

生用

看瘡大小。用麵作餛飩。灰火中炮熟。乘熱開一孔。當瘡上罨之。劫引風出。多做候換。數次差。

川芎湯 治金瘡中風。痛不可忍。

川 芎

防 風

羌 活

川 歸 一 兩

炙甘草 三分

水煎六錢。熱服取汗。如汗不出。加麻黃一兩。桂心三分。湯成。入竹瀝沸服。日二。

鹽韭傅 治金瘡中風水腫。

韭 白 食 鹽 等 分

共搗爛。放瘡上。以火炙藥上。熱徹愈。

又方

鹿 角

燒灰存性研末。用猪脂和塗。日二差。

金瘡腸出

論曰。金刃所傷。有腸出者。有腸出已斷者。視其輕重。以決死生。腸有一頭見者。不可續也。若腹痛不可忍。短氣不能食。近則一日。遠則三日。治無及矣。腸有兩頭見者。速以桑白皮按作線。或以麻縷續之。仍用雞白塗隙。勿令氣洩。推內之。密縫瘡口。用雄雞血塗之。腸有出而不斷者。以大麥汁洗而內之。亦如前法。須研米粥飲二十餘日。強糜百日。方可食飯。又不可令飽。恐其腸斷。仍常以湯散助之。

磁石散 治金瘡腸出宜入之。

磁石醋淬 滑石飛過

同研酒下一錢日三及以針砂塗腸上其腸自收入而無害。

小麥飲噴腸方 治金瘡腸出不能入

小麥三升

用水九升煮汁五升以綿濾過候冷含噴瘡上漸入以冷水噴其背不令病人知亦不可使傍人語卒然急噴其腸自入不可食飽勿使病人驚恐恐驚則殺人難治。

毒箭所傷

論曰箭鎗毒藥入皮膚肌肉間令人短氣悶絕口噤脣乾血雖止而腹滿不能言其人如醉者為難治若瘀血應時出其瘡溫而熱開口能言則可治巢氏論毒箭有三種曰嶺南夷俚人用焦銅作箭鏃其嶺北諸處以蛇毒螫物汁著管中漬箭鏃及有以苗藥為之者三種傷人皆不易治唯急飲糞汁可以禦其毒少緩則毒氣深入不可救也慎之慎之。

半夏飲 治毒箭所傷。箭鏃毒藥在內不出。

半夏三兩用生薑二斤取汁浸三日 白飲三兩

同炒為末。酒下一錢。日三。瘡淺十日出。瘡深二十日出。

雄黃塗 治毒箭所傷。

明雄黃

研極細。傅瘡上。日四五。汁出愈。此方治毒蛇、蜈蚣咬亦妙。

生薑飲 治中毒箭。

生薑

取自然汁。飲五分。未退再飲。一方用甘草煎汁頻飲。

旋復根散 治中毒箭。

旋復根

為末。酒下二錢。日三。仍傅瘡上。無根用花

箭鏃金刃入肉

論曰。凡箭鏃金刃入肉。治宜速出。內有碎骨。亦須去盡。然後傅藥。不然其瘡必不合。縱然少愈。亦常作疼痛。若神驚血亂氣奪。則死無救。

丹皮

白 斂一兩

丁香

麝香

藿香

桑白皮一分

共末。溫酒下二錢。淺者十日。深者二十日。箭頭自出。

又方 同上。

磁石生研極細

明雄黃三分

同研勻。用菘豆煮汁下二錢。十日後輕撥便出。手足上用此末點之。亦自出。

紅散子 治中箭頭用之。摩瘡口上。

蔓陀羅子

草烏

茄子花

蓖麻子

麒麟竭五錢

共末。以好酒和調。塗摩瘡上。箭頭自出。

解骨丸 治箭鏃不出。能令自出。

明雄黃

象牙末

蜚 螂一兩

共末入蜜杵丸黍米大用一丸內瘡中以細膩羊腎脂貼之箭頭自出。

鼠肝傅 治箭頭不出。

鼠肝五枚

研如泥傅之兼以鼠腦髓塗之良亦治針折肉中塗之自出。

象屑塗 治箭頭不出。

象牙屑

研末用蜜和塗瘡上并折針竹木刺皆出。

狐尿刺

論曰。狐尿刺者。乃狐狸尿草棘上。人有誤犯。則發腫痛。焮熱。多在於手足指節。然亦有端居不出。而被此毒者。蓋毒氣有相類之症。亦不因狐狸尿。乃爾也。白斂膏 治犯狐尿久不差。

白斂

羊尿

括萋根五錢

共搗如膏裹瘡上。一伏時其刺自出。

大豉傅 治狐尿刺在手足指節間腫痛。

大 豉一兩

細嚼熟傅之。少頃取下。看豉中有毛效。如不見毛。又嚼傅之。以毛出為度。

桂心黃蠟丸 治一切惡刺入肉者。

桂 心

研末。用黃蠟化丸。看瘡口大小。置丸瘡內。以溼紙三五重搭。蓋以火爇。候丸化入肉。其刺自出。如無刺。其傷處亦平也。

獨粟塗 治惡刺不出。

獨 穎粟

去衣嚼如泥。塗瘡上。帛裹半日。有刺自出。

惡刺

論曰。惡刺初得以蛇虺毒氣。經由草木水澤間。有人染着。忽似刺割。俄致腫痛。其

肉潰爛。若手足上着注。即指節墮落。土人諳歷既多。初覺中刺。時以艾灸數十壯。十愈八九。灸弗愈者。速以下藥塗傅。

葱白蒲公草膏 治中一切惡刺。

葱 白一把 蒲公草 五兩 大 豉 一分

共爛搗。塗瘡上。外用醋麵紙封自出。

木蟲塗 治惡刺。

木中蟲 五枚

用米醋和研如泥。封之。差。

黑豆汁漬 同上。

黑豆 一升

用水煮取濃汁。頻頻漬之。差。

竹木刺傷肌肉不出

論曰。竹木刺所傷。為患甚淺。然入人肌肉。久不得出。則損動榮衛而作瘡。或中風

水則腫痛。若成膿淹留歲月。未易治也。但刺傷之初。宜速治之。加以塗傅。無致風水之患。

羊屎傅 治竹木刺。

羊屎

炙乾爲末。用猪脂和傅。日三五上。經宿自出。

象牙散傅 治竹木刺并鍼折不出。

象牙屑

爲末。以雄鼠腦髓和傅上立出。

糯米膏 治金瘡水毒癰疽熱毒。竹木等刺。

糯米三升

於端午日前四十九日。以冷水浸之。日二換水。輕淘。至午日午時曝乾。挂風處。凡遇患。用少許炒焦爲末。水和成膏。塗瘡口帛縛。候瘡愈解去。若金瘡誤犯生水。作膿腫甚者。急用此膏塗之。良久其腫處即消。若癰疽毒瘡初發。纔覺焮腫痛并疔腮等症。用此末貼項下及腫處。若竹木簽刺入肉者。臨臥時貼之。明日

揭看其刺自出在藥內。若貼腫毒藥乾即換之。須常令溼為妙。唯金瘡及水毒切不可換。恐傷動瘡口。

痔瘻門

諸痔

論曰。痔有五名。一曰牡痔。二曰牝痔。三曰脈痔。四曰腸痔。五曰血痔。症雖小異。大率皆飲食飽甚。情慾過度之所致也。夫飲食飽則腸胃傷。情慾過則氣血耗。毒氣乘虛流入下部。所以澀積而為痔也。如神丸 治腸風五痔。

烏蛇肉 酒炙

防風

大黃 煨二

枳殼 炒

黃耆

刺蝟皮 炙黑

陳皮

白蒺藜 刺去

秦艽 兩半

共末入蜜杵丸。梧子大。空心酒下三十丸。臨臥再服。當日血止定痛。神妙湯 熏洗五痔。

草 薜

甘草

五倍子

括蕒根

大 豉

葱 白等分

每日用一二兩煎水熏洗。日二。

神白散 治痔瘡下部發腫。如梅李大。痛硬不能行者。即時取效。

半 夏齊州者

每用一枚研極細。入冰片一小皂子大。同研勻。用津唾和攤軟紙上貼之。即冷如冰。良久清水出漸消。未全愈再貼。去根尤妙。

牡痔

論曰。內經謂飲食自倍。腸胃乃傷。因而飽食。筋脈橫解。故澀而為痔。其狀肛邊生鼠乳。或癢或痛。膿血時下。謂之牡痔。

蝟 皮炙焦

附 子

槐 木 耳

枯 白 礬

川 歸

桑 白 皮

赤 芍 一 兩

楮 根 白 皮炙

共末。入蜜杵丸。梧子大。飲下三十丸。

荆芥槐花散 治鼠乳、牡痔、便血、痛不可忍。

荆芥穗

槐花炒

枳殼炒

黃耆蜜炙二兩

共末。空心飲下二錢。

牝痔

論曰。牝痔者。由邪熱壅在肺經。傳注大腸。又大腸久虛。風熱留滯。故令肛邊生瘡。而出血也。名曰牝痔。此皆酒食房勞過度。令毒氣攻注所為。故又謂之酒痔。

地榆

子芩

赤芍

枳殼

檳榔

川歸

黃耆炙一兩

水煎四錢。空心溫服。日二。

淋洗白礬湯 治牝痔。

枯白礬

研末。每用五七分。入沸湯內和勻。浸洗。日二差。

脈痔

論曰。脈痔者。臟腑蘊積風熱。不得宣通也。風熱之氣。乘虛流入下部。故肛邊生瘡。癢痛血出也。蓋實為痛。虛為癢。今實熱乘虛。下攻肛腸。故癢且痛。又脈者血之腑。得熱則妄行。故血乃出也。

槐莢煎丸 治脈痔生瘡。下血癢痛。

槐 莢一斤洗入水

白 蜜二兩與莢汁

防 風 黃 耆炙五錢

杏 仁去尖炒 皂莢子炒三

枳 殼炒一兩

共末與杏末拌勻入膏。杵丸。梧子大。飲下二三十九。日二。

阿膠湯 治脈痔有蟲。時作癢痛。血出不止。

阿 膠炒 艾 葉 川 歸 青箱子一兩

水煎五錢。溫服。日二。

熏洗槐白皮湯 治脈痔有蟲。或下膿血。

槐白皮二斤

用水一斗五升。煎一斗。傾盆中坐熏。湯冷再煖。蟲當隨便利自出。仍用槐白皮為末。綿包錢許。內下部中。日二差。

出蟲方 治脈痔下部如蟲咬。

桃葉十斤

搗研蒸熟。乘熱入小口器中坐熏。其蟲自出。

滌痔散 同上。

白礬研一兩

取小便三升溫熱。入礬末五錢。乘熱洗之差。

血痔

論曰。血痔者。乃肺熱流毒也。肺與大腸為表裏。今臟腑蘊熱。毒氣流滲入於大腸。血性得熱則流散。故因便而肛腸重痛。清血隨出。名曰血痔。

蝟皮散 治血痔。

蝟皮燒灰存性

白芷

黃耆

懷熟地

側柏葉

川續斷

地榆

川連一兩

共末。空心飲下二錢。日二。

地榆湯 治血痔。

地榆

熟艾

防風

枳殼炒

龍骨

黃耆

桑木耳一兩

水煎五錢。入生地一分。溫服。日二。

蒲黃湯 治諸痔下血。

蒲黃

川芎

生地

白芷

川連

川歸

白石脂

甘草一兩

水煎五錢。空心溫服。日二。

黃耆散 治血痔下血不止。

黃耆蜜炙

枳殼炒三

防風兩半

共末。空心飲下三錢。日二。

枳實槐角子散 治血痔下血久不差。

枳實 熬炒

槐角子

木賊 五錢

共末。用皂莢湯下二錢。日二。

腸痔

論曰。腸痔者。以腸胃有風挾熱。二者乘虛入於腸間。衝發下部。故令肛邊生核。腫痛不消。病始作令人寒熱。時有血出也。枳殼湯 治腸痔腫痛生核。或發寒熱。

枳殼 炒

子芩

白芍

黃耆 一兩

川芎

川歸

檳榔 煨

丹參 兩半

水煎五錢。空心溫服。日二。

括蕞散 治腸痔下血。

括蕞 大者一枚

烏梅肉 十枚

將萹切蓋去空。以梅肉實其中。仍蓋封。用黃泥包裹。晒乾。火煨存性。研末。溫酒下二錢。日二。

地榆散 治腸痔下部生核。腫痛時發。寒熱出血。

地榆 槐花半生 甘草一兩

共末。用枳殼桑白皮湯下二錢。日二。

又方 治一切痔淋洗。

荆芥穗 生甘草二兩

同末。水煎一兩淋洗。日二。

白朮紫朴丸 治久積虛冷。腸風痔瘻。面色萎黃虛羸。

白朮 紫朴三兩 人參 甘草

川歸一兩 黃耆 黑乾薑 陳皮兩半

共末。入蜜杵丸。梧子大。飲下二三十九。

二根散 治腸痔有血。

枸杞根白皮 白薔薇根白皮二兩

共末。水下二錢。日二。

氣痔

論曰。氣痔者。因便下血。或肛頭腫凸。良久乃收是也。此由毒氣蘊積腸間。及恚怒不節。酒食過傷。令下部氣滯。壅結而成。

烏蛇黃耆丸 治氣痔大便下血。脫肛腫痛。

烏蛇肉 五兩

人參

獨活

枳殼

地骨皮 一兩

郁李仁去皮炒

羚羊角 三兩

黃耆

檳榔 兩半

大黃炒

大麻仁炒二

訶勒皮 一分

共末。入蜜杵丸。梧子大。酒下二十九丸。以利為度。未利加丸數。

必效丸 治氣痔脫肛不收。或生鼠乳。時出膿血。久不差。

枳殼煨炒

黃耆蜜炙

共末。陳米糊丸。梧子大。空心飲下三十九丸。日二。

痔瘻

論曰。五痔之疾。或生鼠乳。或發寒熱。或生瘡癢痛。或下膿血。其症不一。治之不早。反勞傷過度。則毒氣浸漬。肌肉穿穴。瘡口不合。時有膿血。故成痔瘻。經曰。痔久不差。變為痔瘻是也。又或蔓穿數處。或形似螺蛳。膿血與肌肉綿綿而下。故謂之痔瘻。昔人謂蠹蟲居胴腸間。多生瘻痔。方中用熏法及化蟲之藥。不可不察。

乳香五錢 麝香

冰片

丹砂

沒藥二錢 雄黃

黃蠟

生地一兩

共末。研勻化。蠟丸。梧子大。用麥冬湯下十丸。少留末塗瘡上。

蝟皮丸 治五痔多年不差。漸成痔瘻。

蝟皮炙焦 龍骨煨二兩

附子

川歸

枳殼炒 黑乾薑兩半

黃耆蜜炙

艾葉三分

共末。入蜜杵丸。梧子大。用黃耆湯下三十丸。

腸風下血

詳結陰下血

論曰。腸風下血者。由腸胃有風。氣虛挾熱。血得熱即妄行。因而滲入腸間。故令下血。故以為名。昔人謂先血後便為近血。先便後血為遠血。遠近之別。不可不察。

玉壺丸 治腸風下血。

皂莢鹹者半斤用水五升浸七日砂鍋煮取汁一升又熬減半入蜜一兩熬成膏

胡桃仁 十枚

枳殼火燒酒一雨 乳香

沒藥炙二兩

椿根白皮陰地者炙一兩

共末入膏杵丸。梧子大。每服二十九。

腸風下血煎木賊湯下。五痔疾。荆芥

湯下。時常瀉血。米飲下。日二。

玉屑丸 治腸風下血。及痔瘻藏毒久不差。

槐根白皮 椿根白皮

苦楝根白皮三兩三味採時春宜早夏宜遲

生天南星 生半夏五錢

威靈仙 一兩 寒食麵 二兩

共末拌勻。滴水丸。梧子大。每服三十丸。先用水二鍾煎滾入丸。令浮再服。日二。

琥珀散 治腸風及一切血痢。脾臟下血不止。

琥珀屑研

赤小豆

白芷

枳殼

槐花

鹿角霜 一兩

上五味同炒焦黑為末。入珀末拌勻。空心米飲下二錢。日二。

槐角子散 治腸風。

槐角子炒

防風

枳殼炒五

黃耆炙一

共末。空心茶下一二錢。

防風散 治腸風下血。

防風微炒

黃耆炙二

炙甘草

人參五錢

共末。空心飲下二錢。

白朮丸 治腸風痔瘻。脫肛下血。面色萎黃。久不差。

白朮一斤用糯米三升同浸三日。曬乾細切慢炒香為末。懷生地半斤酒浸。蒸熟爛搗如泥。

二味和勻。用大力者搗二三千搥。如硬。入好酒。蜜少許。丸梧子大。陰乾。空心米

飲下二三十丸。日二。

牡蠣散 治腸風下血不止。及脫肛。

牡蠣大者醋碎七次

細研如麵。空心飲下二三錢。日二。

傷折門

傷折統論

論曰。諸脈從肉。諸筋從骨。骨三百六十有五。聯續纏固。手所以能攝。足所以能步。凡厥運動。罔不順從。若乃倉卒之際。墜墮倒仆。傷折蹉跌。患生不測。詎可不圖療治。小則消腫而伸攣。大則續筋而接骨。各有方劑存焉。當按症施治。

從高墜下傷損腫痛

論曰。凡墜墮傷損腫痛。輕者在外。塗傅可已。重者在內。當導瘀血。養肌肉。宜察淺深以治之。

阿膠湯 治墜墮傷折手足痛。

阿膠

白芍 兩半

生地

川芎

川歸

熟艾 一兩

黑乾薑

甘草 五錢

水煎三錢溫服。日二。

地黄糟裹方 治墜墮撲損。筋骨疼痛。瘀血凝滯。腫熱不消。

懷生地搗

酒糟等分

看輕重下藥。拌勻蒸熱。塗傅患上。用帛裹縛。日一易。

接骨膏 治一切打撲傷墜疼痛。

續斷一兩

白芨

附子

川歸

獨活

桂心

雄黑狗脊骨 燒灰白 斂

桑白皮 五錢

黃米 炒三

共末。用酒半鍾。和藥末三錢。白麵二錢。生薑自然汁少許。慢熬成膏。攤貼。三日一換。冬月用杉木皮綿繩夾縛。夏月以柳枝子五條夾縛。雖緊不妨。

續骨丸

黃蠟 煉過 半斤

鉛丹 飛過 炒

自然銅 醋碎 七次

蜜陀僧 兩 煨四

白礬 十二兩

麒麟竭

丹砂 飛過

乳香 炙去油 勿焦

沒藥 炙去油 一兩

猪脂 十兩

先熬脂化蠟於冷處。入僧丹銅末再熬。攪滴水不散。又出鼎離火。下諸末。不住

手攪至凝。丸彈子大。且用笋皮襯之。極冷收貯。凡傷折用一丸。入少油化。塗傷痛處。以油紙帛護之。甚者以燈心裹木夾之。又以一丸分作小丸。熱酒下。痛即止。如藥力盡。痛未除。再一服。骨上便安。

玄胡索湯 治傷折疼痛。筋骨未合。肌肉未生。

玄胡索

川歸

白斂

懷熟地

鹿角膠

綿黃耆

桑寄生

桂心一兩

水煎五錢。空心溫服。日二。蓋煖。

傷折惡血不散

論曰。脈者血之腑。血行脈中。貫於肉理。環周一身。因其肌體外固。經脈內通。乃能流注。不失其常。若因傷折。內動經絡。血行之道。不得宣通。瘀積不散。則為腫為痛。治宜除惡瘀。使氣血流通。則可復完。

黃耆湯 治傷折惡血凝滯腫痛。

黃耆

白芍

附子

生地

桂心

川歸

續斷一兩

大黃生

川椒

乾薑二兩

白水煎三錢。溫服。日二。

糟米塗 治傷折赤腫。惡血不散。疼痛。

酒糟二斤 糯米半升

用酒煮米熟入糟。煮稀稠得所。乘溫熱塗上。用帛封裹煖。一日一換。以差為度。

蒲黃散 治傷損惡血不散。不欲聞人聲。胸中氣塞。便利出血。

蒲黃一合 生地二兩 桂心 白芷

川歸 續斷一兩 炙甘草五錢

共末。酒下一二錢。日二。

葱白塗 治一切墜落打撲。腫毒疼痛。

葱白根三十

用灰火煨透。乘熱搗爛塗患上。用棉紙包縛令煖。

筋骨傷折疼痛

論曰。人之一身。血榮氣衛。循環無窮。或筋肉骨節。誤致傷折。則血氣瘀滯疼痛。倉卒之間。失於調理。所傷不得完。所折不得續。輕者肌膚焮腫。重者髀肉剝脫。治宜先整其骨。續其所折。後施貼熯封裹之劑。

麒麟竭

白芷

赤芍

沒

藥油炙去

蒲黃

自然銅醋碎

生大黃

川

歸五錢

桂心

荷葉

骨碎補去毛

共末。空心酒下二錢。日二。

川芎散 治傷折腫痛血不散。

川芎

桂心

附子

川

椒炒

甘草

蘭葉一兩

大黃醋炒

川

歸五錢

共末。酒下二錢。日二。

接骨桂芸膏 治撲打筋骨傷折。腫痛不可忍。

桂心

芸薑子

白芥子

敗龜板

大黃

虎頭骨酥炙

赤狗頭骨燒灰存性

木鼈子一兩

共末研勻。用小黃米粥攤帛上。摻末一匙。裹損上。以竹片夾定。繩縛七日。

沒藥丸 治傷折筋骨疼痛。

沒藥炙研

丹砂

牛膝一兩

為末研勻。用酒麵糊丸。梧子大。丹砂為衣。用木瓜湯下二十九。日二。

八骨散 治筋傷骨損疼痛。

虎骨醋炙

龍骨煨研

牛骨醋炙

雞骨醋炙

狗骨

兔骨酥炙

羊骨醋炙

猪骨醋炙

楓香脂

自然銅醋碎七次

共末。每有傷折。以黃米粥熱攤布上。摻末貼患處。用布包裹。以繩縛之。

神授散 治傷折內外痛不可忍。

川歸

鉛粉五錢

蓬砂二錢

共研勻。用蘇木煎湯下二錢。仍用粟米粥攤布上。摻末。貼腫處。如骨碎用木皮

竹帛夾定繩縛。

五骨散 治傷折筋骨痛不止。

鯪鯉甲項骨 虎頭項骨

猴獮項骨

黃犬項骨

野猫項骨 一兩

上五骨細剉。以米醋、好酒各半斤。浸一宿。炙黃為末。入後藥用。

天雄五錢 去皮 肉苁蓉五錢 淨洗炙

二味共末。與上末拌勻。每服酒下二錢。日二。又用粟米為末。醋煮成糊。入末拌稠。攤塗帛上。貼痛處。用帛包棉裹暖。痛立止。

傷折風腫

論曰。肌肉傷折。皮肉破裂。久而未合。為外風所觸。則令肌肉受寒。既不得收斂。又與氣血相搏。不得消散。故為風腫。風腫不散。即變膿血敗壞之疾。

荊芥湯 治傷折風腫。

荊芥穗

川歸

川芎

川續斷 一兩

共末。酒下二錢。日二。

地黃川歸散 治傷折為風冷所侵。肌肉不合。腫痛。

懷熟地

川歸

羌活

獨活 一兩

共末。空心酒下二錢。日二。

沒藥散 治傷折風腫。

沒藥

川芎

附子

白芷 甘草

川椒

川歸

檳榔

桂心 五錢

共末。酒下二錢。日二。

川歸湯 治傷折皮肉破裂。風毒內攻。腫痛不消。

川歸

大黃 炒

白芷

防風

烏頭 一兩

水煎五錢。溫服。日二。

黃蠟膏 治傷折風腫痛。

黃蠟 五兩

桂心

吳茱萸 一兩

食鹽 炒 二錢

聖濟總錄纂要

卷二十一

傷折門

傷折風腫

共用爲末。以麻油化蠟入末熬攪勻成膏攤。日一易。

聖濟總錄纂要

清 新安 程 林雲來纂輯
鄞縣 曹炳章赤電校點

卷一十二

傷折門

打撲損傷

論曰。打撲損傷。或焮腫疼痛。或血出不止。外須以貼熨塗傅。內須服去瘀血養肌
肉和血氣之劑。次則生肌斂口傅之。以俟平復。此治損傷之大法也。
骨碎補散 治打撲損傷筋骨。皮肉發熱疼痛。

骨碎補 白 芷 乳 香 去 油 生 地
當 歸 一 兩 澤 蘭 葉 川 芎 桂 心

桃仁五錢

甘草

附子一分

共為細末。溫酒調下三錢。頃又服。

地黃湯 治墜墮傷折手足痛。

生地

川歸一兩

阿膠

白芍兩半

川芎

熟艾一兩

骨碎補一兩

桂心

甘草五錢

水煎五錢溫服。日二。

二奇湯 治打撲損傷。

威靈仙

骨碎補各五錢

作一服。酒煎盡量飲。蓋暖出汗即愈。

同生散 治打撲損傷疼痛。

大茴

官桂

烏藥

紫荊皮

甘草各一錢

右為末。每服五分。好生酒送下。盡量飲。取汗避風。瘦人三分。大便出血即愈。

被傷絕筋

論曰。被傷絕筋者。須觀其輕重治之。接續之法。要在氣血未冷之際。外用續筋止痛藥傅裏。內兼服藥調治。庶幾可救。緩則風冷入於裏。則難治矣。
聖功散 治筋骨傷折。疼痛不止。接骨續筋。

硃砂

明雄

乳香

沒藥俱去油各一錢

麝香一字

土鼈十枚燒酒浸死焙乾

右為細末。磁餅封貯。勿令洩氣。用時強盛人服一字。瘦弱人服半字。燒酒調下。未愈再服。

沒藥散 治跌打損傷。骨折筋絕。

乳香去油

沒藥去油

琥珀二錢

土鼈三箇燒酒浸焙

明礬一錢

硼砂一錢

麝香三分

半兩錢一箇醋碎七次

蟹爪肉熟三錢

活牛角刮取炒黃色二錢

右為細末。每服五分。白酒送下。在下部食前服。在上部食後服。

諸骨蹉跌

論曰。諸骨蹉跌者。墜墮倒仆傷折。致諸骨蹉跌。治之須扶骨對正。用止痛生肌接骨之劑封裹。內服藥調治。倘骨碎者。便當出之。否則膿血不絕。肌肉亦不能收斂。則難愈也。

接骨紫金丹

乳香炙去

紫荊皮

骨碎補

大黃

血竭

歸尾

硼砂

土

鼈燒酒浸死瓦上焙乾

自然銅煨碎七次各一兩

右為細末。每服七分半。熱酒調服。其骨自接。此方治打撲骨折。瘀血攻心。發熱昏暈。其瘀血自下。吐血等症。皆可服之。如骨接而諸症未去者。去土鼈。自然銅。更服五分即愈。

傷損止痛生肌

論曰。傷折之候。皆因刑杖跌撲損傷。或掀腫疼痛。或血出不止。大抵最忌服冷物。恐血凝入心之故。內服之劑。要在溫補和血止痛為主。至於斂口生肌之外用。豈可偏廢哉。

虎骨散 治打撲損傷。疼痛不止。并治筋骨疼痛。血風走注疼痛皆治。

虎骨

自然銅醋碎十次

地龍水浸曬乾

牛膝

漏蘆

延胡索

威靈仙

龜板炙

桂心

當歸各一兩

共為細末。每服一錢。煖酒調下。

生肌散 治打撲墜損傷。諸骨蹉跌。筋絕血出。疼痛不止。傅之即愈。并治一切癰疽腫毒。膿水將盡時用之。去腐生肌。金瘡刀斧傷。血出疼痛不止者。傅之神妙。

白蠟

合歡皮

乳香去油

赤石脂煨

沒藥去油

血竭

海螵蛸去殼

雄黃

龍骨

兒茶

獐腦各二錢

土鱉焙乾三枚

蟹爪肉熟

白芷

枯

礬各一錢

珠

砂一錢

麝香一字

金箔少許

右為細末。磁罐收貯。每用少許傅傷處。立能止痛止血。合時須五月五日。或天醫日合為妙。

傷折貼燔并膏藥

論曰。傷折之症。輕則肌膚腫痛。重則肉脫血出。既整其骨。內服去瘀生肌之劑。外必以貼燔膏藥并用可也。

接骨方 治打撲墮損傷。手足骨折。

用雄雞一隻。約一斤重者。生去毛。生去爪嘴。開腹底。乘生氣。即搗爛。用五加皮。研末。和入搗之。以勻為度。勿太爛。勿過乾。用時先以五加皮煮無灰老酒。飲至極醉。將骨折處。用手按平。將雞藥傅上。棉帛縛之。如今日此時縛至明日此時解開。其骨即生滿矣。如過一時。其骨即長一寸。如骨接後而尚痛者。以黑豆炒焦色。用老酒沃之。搗爛傅上。半日一換。

糟米塗 治跌打損傷疼痛。

糯米一升 酒 麪三丸

將糯米煮熟如飯。入酒麪和勻。乘熱塗上。用帛封裹。三日一換。酒香即愈。

龜板膏 治打撲損傷疼痛。

敗龜板一枚 燒灰 虎骨燒灰

白芥子 生大黃

川歸五錢 滴乳香炙 沒藥炙一

右為末研勻。用小黃米粥攤帛上。摻末一匙裹損上。以竹片夾定。繩縛七日。

雜療門

中藥毒

論曰。炎帝嘗百草而著本經。分上中下三品。聖功極矣。漢唐以來。漸增致千百種之繁。蓋無毒之中。而有有毒者。後代庸民。去聖已遠。不審良惡。偶誤餌之。經云。有病病當。無病胃傷。不急救之。漸致危斃。古方用甘草。菘豆能解諸毒。亦用諸藥而各相制伏者。

冬青汁飲 解砒霜毒。

先用白蠟為末。和新汲水服之。護其腸胃。仍以冬青葉搗汁灌之。以大便去毒為度。如冬月無葉。以根搗汁和水代之。

解中砒霜方。

羊血

雞血 各一

和勻服之。

又方

稻稈 燒灰

新汲冷水淋汁濾清。冷服一碗。毒即下。

黃連湯 解中巴豆毒。

黃連

黃柏 各五錢

水二升。煎一升。候極冷服之。忌服熱物。仍以冷水浸兩手。

又方

寒水石

一味爲末。煮汁飲之。

解烏頭附子天雄毒

遠志一兩

防風五錢

水煎汁飲之。

服諸石藥中毒解方

白鴨屎汁

水和服之。

解中大戟毒方

石菖蒲

一味煎汁服二升差。或生搗汁更妙。

解荒花毒方

防風

甘草

防己等分

三味水四升煎二升服之。

解射罔毒方

藍汁

大豆

菜

豆二合

藕汁一鍾

二豆煎汁和勻服之。

解甘遂毒方

大豆五合

水三升煎升半服之。

食毒

論曰。飲食雖以養生。亦有時而傷生何也。凡食物諸品。莫不有陰陽五行具焉。漫不察其寒溫燥濕之性。順逆宜忌之因。人性南北異稟。食物南北異種。一或犯之。棘喉潰腹。可不慎與。倘誤中其毒。宜服藥解之。

解一切飲食毒方

大豆五合

大粉草五兩微炒

二味搗細。用水四升。煎二升溫服。須臾或吐或瀉。毒即隨去。雖甚渴。不可飲水。又方。治誤飲饌中毒者。未審中何毒。卒急無藥可解。

薺 苞

甘草一兩

水二升。煎一升服之。入口便活。

食諸菜蕈菌中毒

論曰。諸菜雖地產陰物。而能養生。然氣有寒溼。性有善惡。偶不審辨之。其不為禍也。幾希。如諸蕈菌。夜有光者。煮不熟者。煮訖其湯。照人無影。及欲爛無蟲者。皆不可食。倘誤中其毒。以地漿諸藥解之。

解食諸菜毒方 治食諸菜中毒發狂。煩悶吐下欲死。

葛 根

生搗汁一升。服之良。或無生者。即搗乾葛末。水和服之。煮服之亦可。

治食諸菜毒方

苦

參二兩

甘草一兩

苦酒二升。同煎數沸。去滓服。吐出即愈。

治諸菌毒方

地漿水

掘地作坎。以水沃其中。攪之令濁。俄頃取之。飲三四鍾即解。又兼治楓樹菌。誤食之。令人笑不止。飲之即解。

又方

橄欖七枚
去核

搗為泥服之。

又方

防風二兩 甘草一兩

用水四升。煎至二升。須冷飲即解。

解食諸蕈毒方

木香 青皮

等分為末。煎湯飲之。

飲酒中毒及大醉不解

論曰。本草謂酒通血脈。厚腸胃。禦霧露瘴氣。敵風雪寒威。惟糯米麵麩為良。隨處出者名多不一。或用諸燥藥為麩。皆大熱有毒。惟菘豆能解之。若恣飲過多。助火亂性。腐腸損身。倘中其毒。及大醉不解者。急宜服藥解之。

黃連解毒湯。治縱飲熱酒中酒毒。煩亂躁渴。引飲面赤眼紅。小便澀少。

黃連

黃柏

黃芩

山梔仁等分

水煎五錢。溫服。

解醒丸方

葛花一兩

桂花

菊花

五味子

烏梅肉五錢

共末。蜜丸。彈子大。每用一二丸。預先化下。能解酒毒。若已醉者。服之能解。飲燒酒醉死急救方

先用冷豆腐厚傅胸膈。以護其心。仍急用清水煮滾。用鍋數箇。取氣汗水三鍾。徐徐灌下即解。

治酒醉不醒方

甘草五錢 菘菜 豆去殼

水二升煎一升溫服。

又方

甘菊花

九月九日採取陰乾為末清飲調下三錢。

酒醉不醒方

葛根

生搗汁飲一二升即差。

又方

菘菜子二合

細研井華水一鍾調為二服。

食牛馬猪犬魚蟹中毒

論曰。天產屬陽。地產屬陰。禽獸皆陰陽生物。氣味各有冷熱之殊。性有好惡之異。

大抵諸肉補陽。能助起溼中之火。素問云。膏粱之變。足生大丁。故諸肉如熱血不
斷。落水不沉。及病牛壞馬。魚目有睫。目能開合。腦有連珠。蝦煮不灣。蟹腹有毛。及
諸肉形色異常。皆有毒。不可食。孔子色惡不食。臭惡不食者此也。倘中其毒。宜服
藥解之。

解一切牛馬肉毒方

大粉草

細切。微炒搗細。量病人喫得多少酒。取無灰酒。一處研。去滓溫服。須臾大吐瀉。
毒亦隨去。雖十分渴。不可飲水。飲水難救。

解中雞子毒方

醇醋

飲三四口即解。

治食狗肉不消。心下堅硬。或臈脹。口乾。忽發熱。妄語方

韭根

杏仁一兩

蘆根三兩

水四升。煮取二升。飲之。

治食魚肉毒方

苦參三兩

以苦酒一升煎三五沸去滓服吐出即愈。

解諸魚毒方

陳橘皮二兩

水三升煮取升半去滓服即愈。

又方

蘆根三兩

剉碎水三升煮一升飲之即解。

治河豚毒解方

扁豆五兩

水四升煮汁二升服之即解。

又方

橄欖十枚

水二升。煎汁一升服。

治解鼈毒方

黃耆

吳

藍等分

水煎一兩。服之即解。

治蟹毒方

冬瓜

生取汁。飲一二升即解。

又方

紫蘇一握

搗汁一升。飲之差。如無生者。乾者煎汁飲之。

又方

乾蒜七枚

煮汁飲之即愈。

解金銀銅鐵石毒

治誤食金銀銅鐵方

蠶豆炒研為細末。砂糖調服。即從大便出。

解金毒方

斑鳩肉

治如食法煮食之解。或鷓鴣肉食之。

又方 治吞金欲死。

鴨一隻

殺取血飲之即解。

解金銀銅鐵毒

雞尿

水淋取汁服之。或鴨屎汁亦可。

解鐵毒方

磁石

為末。水服三錢。

蠱毒

論曰。蠱毒者。嶺南人多作之。凡病人中蠱。其狀令人心腹切痛。如有物咬。或吐下血。不即治之。蝕人五臟。盡即死。欲知是此。當令病人吐水。沉者是。浮者非。亦有以蟲蛇合作蠱藥。著飲食中。使人病瘕。此一種一年死。治之之法。當服藥使呼蠱姓名。即去。亦有服諸藥而制伏者。

蠱毒方 治卒中蠱毒。下血如鵝肝。晝夜不絕。臟腑壞敗待死。

敗鼓皮燒灰

酒服三錢。須臾自當呼主姓名。即差。

試中蠱毒方

雞子一枚

煮熟去殼。以小銀簪一枝插在蛋內。含口中。一頓飯時。視簪蛋俱黑。即是中蠱。倘若人與飲食。以犀角攪之。有白沫泛起。即有毒也。用後方。

石榴皮飲 治中蠱毒

石榴根皮東引者剉一兩

煎濃汁飲之。即吐出活物。

又方 治中蠱毒吐下血如爛肝。

苦瓠一枚

水二升。煮取一升服。立吐即愈。又方。煮苦瓠令消服神驗。

治蠱毒神驗方

胡荽根

搗爛絞汁半升。和酒服之立下。

治蠱毒神驗方

玳瑁

以水磨濃汁飲服。一盞即解。

治中蠱毒或吐下血如爛肝方

蚯蚓十四枚

以苦酒二升漬之。蚓死但服其汁。已死者皆可活。

治蝦蟆及蝌蚪蠱得之心腹脹滿口乾思水不能食悶亂大喘而氣絕方

車轄脂半升

和溫酒一升。漸漸服之。其蠱自出。

又方

刺蝟皮

燒過爲末。水服三錢。當吐出毒。

治蠱毒方

牡丹根

搗羅爲末。每服一錢。日三良。

治中蠱毒方

胡荽子五合

酒二升。煮汁一升服之。

治狗咬方

甘草

杏仁一兩

紫

蘇五錢

水四升煎。去滓溫服。更以三味末傅咬處。

又方

生鐵

不拘多少。煮令有味洗之。

又方

乾薑

爲末。內瘡中立差。

獾犬齧

論曰。獾犬齧者。犬發狂疾。跑躁齧人。若中之。令人疼痛不止。發狂如犬聲。不急治之。亦能殺人。男子過三日不治。婦人過五日不治。

治獾犬齧方

地榆一兩

水二升。煮汁一升飲之。兼爲末傅瘡上。每服末三錢。白湯下。日三服。忌酒。若瘡

已差者。搗生韭汁。飲三升。

又方 治獼犬齧瘡。

礬石

為細末。摻內瘡中。裹之立止痛。其瘡即愈。

又方

生地黄

搗汁。飲四五合。并塗瘡口。

治獼犬齧方。

小兒胎髮炒

新香附

野菊花

研細末。酒調服。盡醉。

又方

鼠屎二升

燒存性為末。傅瘡上。

蛇螫

論曰。諸蛇螫人。如青竹、赤練、虺蛇、地區之類。皆有大毒。倘中人。不急治之。則能殺人也。

雄黃散 治諸蛇毒螫人欲死。佩之兼辟蛇毒。

雄黃

乾薑各等分

共為細末。傅螫處。如辟蛇毒。用小絹袋盛繫臂上。男左女右。蛇聞藥氣遠避。

香白芷散 治諸蛇螫。辟蛇毒。

香白芷

雄黃

蓼根各等分

麝香少許

共為末。醋調傅螫處立愈。欲辟蛇。焚之即遠遁去。

一方用菊花根汁調傅。尤妙。

治一切蛇螫方

金線重樓

水磨少許。傅螫處。又為細末。酒調飲之。

治毒蛇螫人方

地榆根

搗爛絞汁飲之。兼漬之。

治蛇入口并入七孔中方

母猪尾尖割斷。瀝血滴口中即出。

治蛇螫方

鳳僊花

搗爛傅之即愈。

辟蛇方

若蛇到。燒羚羊角令有烟出。蛇即去矣。

治蛇齧方

人糞

先以火酒洗過。次以糞傅齧處差。

諸虫蝨齧齒

治蠍螫人方



活蜘蛛

爛研。取汁傳之即差。

治九里蜂螫方

處士劉湯隱居王屋山。曾見一大蜂誤落蛛網。為蜂所螫。墜地俄頃。蛛腹脹欲裂。徐徐行入草中。咬開芋梗。以傷就咬處磨之。良久腹漸消。輕走如故。自後有被蜂螫者。將芋梗傳之即愈。

治蜂螫人方

羊酥

傳之即愈。

蜘蛛蟲等咬傷方

銹鐵

即鐵上鋪衣。取和獨蒜磨傳咬處。

治蜈蚣咬傷方

取活蜘蛛一枚放咬處。則能吸其毒。如蜘蛛死。痛未知。更著生者。以愈為度。

又方

蝮牛

捺取汁滴入咬處。

又方

苦參末

百齒霜即頭垢

二味酒調傅之。

治蜈蚣咬方

桑白皮

生者取汁和白鹽傅之。

溺水死附益

論曰。凡溺水死。心氣尚溫而脈未絕者。宜換去溼衣。以厚衣裹之。灌以熱湯可活。切忌火烘。恐寒熱相搏之故。若或犯之。則不能救也。
治水溺死灸法

艾炷如黃豆。灸臍五七壯。如不應。移上一二分。再灸數壯可活。
溺水死方

皂角

爲末。綿裹內穀道中。須臾出水卽活。

自縊欲死 治縊死灸法。

凡自縊死。用麵塊塞糞門。勿急剪繩。用二人扶定。將繩解鬆。用艾火灸臍七壯。如不應。移上一二分再灸。只在上下臍孔間不住灸。至數十壯。猶有活者。不可因臍傷釋手。至囑至囑。令數人搓手心脚心熱更好。

五絕散 治自縊死併溺死。

半 夏 一兩

搗篩爲末。丸如豆大。內鼻中卽愈。心溫者一日可治。

治自縊死方

梁上塵

如大豆各內一筒中。四人各一筒。同時極力吹兩耳鼻中卽活。

治自縊死。定安心神。徐緩解之。慎勿割繩斷。抱定心下猶溫者。

雞冠血

刺取之。滴口中。卽活。男雌女雄。

又方

雞屎白

如棗大。酒半盞。和灌之。及鼻中佳。

國立中央圖書館台灣分館



3 1111 008723692

聖濟總錄纂要 卷二十二 雜療門 瀉水死

三〇

民國二十五年 五月 拾日 贈

